



Gemeinde
Medel/Lucmagn

Informaziun sur dalla presenza da lufs

General (mira fegl d'informaziun «*Unterwegs im Wolfsgebiet*» www.wolf.gr.ch)

Lufs muntan negin prighel direct. **Tut las activitads dil temps liber ein era vinavon pusseivlas!** Sche las reglas da cumportament vegnan risguardadas, dat ei negin prighel per viandonts, bikers, curriders ed auters amatur da activitads el liber. Era affons astgan vinavon termegliar sut survigilanza egl uaul.

Reglas da cumportament en vesta al luf (dapli infos sut www.ajf.gr.ch fegl d'informaziun luf)

Lufs scappan buc adina immediatamein. Igl ei dil tuttafatg normal ch'il luf observa e schazegia en igl emprem mument la situaziun, per silsunter s'allontanar plaunet ni scappar.

- Sche vus entupeis in luf, stei ruasseivlamein eri. Ha il luf fatg persenn che vus haveis engartau el, s'allontanescha el pil solit.
- Sch'il luf scappa buc immediat, fagei attents el sin vus cun vusch resoluta.
- Empruei sut neginas circumstanzias da s'avischinar al luf. Era buc per fotografar el.
- Sut neginas circumstanzias astgeis vus suandar il luf.
- Lufs san veser tgauns sco rivals en lur revier ni sco preda. Teni adina vies tgaun sut survigilanza ni predeis el vid la corda.

Reglas da cumportament en vesta a muntaneras da vaccas-mumma (Origin: www.wandern.ch)

Pil solit ein vaccas buc animals prigulus, denton marveglius. Enten entrar sin pastira ston ils animals e lur cumportament denton adina vegnir observai. Igl ei da far stém dil suandont:

- Vaccas-mumma protegian lur vadials. Respectei quei fatg e teni distanza!
- Predeis vies tgaun vid la corda e teni el sut controlla.
- Sedepurtei a moda ruasseivla, tementei e spuentei buc ils animals!
- Serrei la purteglia e suandei il trutg che meina tras la pastira.
- Duessen las vaccas empruar d'attaccar vies tgaun, schei libers el dalla corda per ch'el sappi scappar. In tgaun ei pil solit sperts avunda per saver untgir in'attacca dallas vaccas.
- Smanatschas d'attacca dallas vaccas semuossan enten alzar e sbassar il tgaun, sburflar, scarsar giun plaun e burlar. Sche vus observeis tals signals d'alarm, bandunei la pastira enten serender plaunsiu anavos. Moviments sperts fan ina pareta smanatschonta sin las vaccas.

Tgauns da protecziun per muntaneras (Origin: www.herdenschutzschweiz.ch)

Sche vus viandais tras pastiras, sedepurtei ruasseivels, buc tementei la biestga e buc spuentei ils tgauns da schurmetg. Sche tgauns da schurmetg giappan, cuoran en vossa direcziun e semettan a mesa via avon vus, stei ruasseivels e dei temps als tgauns da schazegiar la situaziun. Teni distanza dalla muntanera. Sch'ils tgauns selain buc quietar, schegie che vus veis spitgau ruasseivlamein, s'allontanei dalla muntanera e predeis in'aura senda suttapeis.

Tier damondas en connex cun selvaschinas dat il guardiaselvaschina local bugen sclariment.

www.ajf.gr.ch contacts.